


Cumegn da Savognin

**Reglamaint d'adieuer per las
localitads communalas ed
indrezs exteriors a Grava**



A. Generalitads

Art. 1 **Prancepi**

Igl bietg da scola e la sala da gimnastica cun igls indrezs appartenents agl exterior on da sarveir an ampresa lengia agl menaschi da scola (vala betg per la sala communal e la tgadafi dalla sala).

Schinavant tgi sa lascha sa cunvignair cugls basigns dalla scola, pon las localitads ed igls indrezs neir mess a disposiziun ad uniuns e privats.

Igl antier areal inclus la sala da gimnastica vala pigls scolars e pigl persunal d'instrucziun scu zona libra da drogas. Igl consum d'alcohol e dad oters teissas enivrants èn scumandos ainten chella zona da tot taimp per igls scolars. Ordvart igl taimp da scola vala chel scumond betg per giuvenils da 16 onns anse e per carschias. Allas ordinaziuns «Urden da tgesa bietg polivalent Grava» ò da neir consantia. (varda agiunta 1)

Art. 2 **Lubientscha**

Per far adiever da localitads communalas e d'indrezs exteriori dovrigl ena lubientscha uffiziala antras igl cumegn. Instanza cumpetenta per la concessiun d'ena lubientscha per igl adiever da localitads communalas, è igl cumegn. Dumondas on da neir inoltradas an scretg agl pedel responsabel (tenor art. 4).

Art. 3 **Plazza da giuier e plazza da gi**

Dalla plazza da giuier e dalla plazza da gi pò la populaziun far adiever, schinavant tgi talas n'èn betg occupadas antras igl menaschi da scola u antras ena lubientscha d'adiever.

B. Dumondas d'adiever

Art. 4 **Dumondas**

Per saveir far adiever da localitads communalas e d'indrezs exteriori ògl da neir inoltro ena dumonda d'adiever agl pedel responsabel an scretg ed igl pi tard 15 deis avant igl termin d'adiever. Stanzas da scola na dastgan betg neir duvradas dad otras instituziuns. Lubientschas excepziunalas per saveir far adiever dallas stanzas da scola dat angal igl «Consorti da scola Surses».

Art. 5 **Dretg d'adiever**

Da prancepi exista nign dretg d'adiever da localitads communalas. Scu ampren vignan risguardadas uniuns ed organisaziuns indigenas. Las localitads communalas vignan da prancepi betg messas a disposiziun per occurrenzas privatas scu nozzas, anniversaris etc. Per occurrenzas e curs tgi vignan spurschias per igl public, metta igl cumegn a disposiziun las localitads (p. ex. yoga, zumba, pilates etc.). Mademamaintg pon neir lubeidas occurrenzas mez-uffizialas (p.ex. radunanza generala dallas pendicularas, radunanza digls commembers d'ena societad etc.).

Art. 6 **Orientaziun**

Las lubientschas, igl plan d'adiever e taimp vignan fixos an scretg antras igl pedel, an consulta-ziun cugl uffezi da biagier e von scu cupeia all'administraziun communal e / uffezi da biagier.

Art. 7 *Revocaziun*

Ena lubientscha concedeida pò neir revocada da tot taimp, schi

- a) las cundiziuns dadas na vignan betg adampleidas,
- b) igl urden d'adiever e las ordinaziuns digl pedel na vignan betg risguardos,
- c) las localitads na vignan betg duvradas per igl scopo previa,
- d) dat repeteidamaintg donns ve da localitads, apparaturas/urdegns ed indrezs,
- e) donns fatgs na vignan betg annunztgias agl pedel,
- f) reparaturas e taxas na vignan betg paedas,
- g) cumportamaints indecents dattan caschung per reclamaziuns.

C. Urden d'adiever per localitads communalas

Art. 8 *Taimp d'adiever per stanzas da scola e sala da gimnastica*

Las localitads stattan a disposiziun agls utilisaders an cass normals anfignen las 22.00 h e ston esser bandunadas anfignen las 22.15 h.

Las localitads restan saradas:

- a) las sondas scu er dumengias e firos generals
- b) durant las vacanzas da scola

Lubientschas excepziunalas vignan dadas dalla direcziun communalas.

Art. 9 *Sarvetsch*

Igl darveir e sarar las localitads è sulettamaintg tgossa digl pedel u pon neir delegos dad el. Igl satigneir se ainten tot las localitads dad otras ouras tgi las lubeidas, n'è betg lubia agl utilisaders.

Art. 10 *Reparaturas/Nattageda*

Sch'igl adiever dallas localitads preveisas n'è betg pussebel perveia da reparaturas e nattagedas u per oters muteivs, alloura vignan igls utilisaders orientos a taimp antras igl pedel.

Art. 11 *Obligaziun d'aveir chito*

Indrezs tgi appartignan alla scola, e noua tgi lour adiever è nia lubia expressivamaintg, on da neir duvros cun tot chito. Ainten tot las localitads ò da neir observo ena gronda sobradad. Per uniuns è'la responsabla la suprastanza. Ella è responsabla per donns eventuais, tg'igl utilisader caschunga ve da bietgs, indrezs ed oter mobigliar.

Apparaturas ed indrezs on da neir duvros cun tot chito. Las uniuns/utilisaders èn responsabels per donns. Donns on da neir annunztgias immediat agl pedel.

Art. 12 *Agen mobigliar ed apparaturas dallas uniuns*

Igl plazzar e deponer mobigliar ed apparaturas dad uniuns è lubia angal cun ena lubientscha dalla direcziun communalas. Per donns eventuais u anguladitschs è'l responsabel igl possessour sez.

Art. 13 *Plan d'occupaziun*

Igls datums d'adiever per localitads communalas ed indrezs exterioris, tgi vignan duvros regularmaintg mintg'emda (chor viril, uniun da gimnastica etc.) ston neir dumandos ed inditgias agl pedel anfignen alla fegn da matg per igl proxim semester. Las ouras fixadas liaint èn liontas per tots e dastgan neir midadas angal cun lubientscha dalla direcziun da cumegn.

Occupaziuns d'interess surordino (p.ex. radunanzas communalas, occurrenzas da scola, exposiziuns etc.) on prioritad. Schiglio vignan las lubientschas tractadas e deliberadas tenor lour antra-

da. Per cass d'ena preschentaziun ò mintg'uniun u organisaziun igl dretg d'adieuer liber mingamai per la fegn d'emda. Igl responsabels ston sa cuvigneir cugl pedel.

Art. 14 *Surdada e recepziun*

Sala communal, tribuna, foyer ed ulteriours locals accessorics vignan surdos digl pedel. Igl è dad observar las sias ordinaziuns. Tar occurrenzas on sala communal, tribuna, foyer e locals accessorics da neir rumageas anfignen l'oter de allas 17.00 h. Siva da mintg'adieuer èn indrezs e localitads da lascher anavos uscheia, tgi igls proxims utilisaders son far eir igl menaschi anavant sainza impedimaint.

La controlla dalla recepziun sottastat agl pedel. Mancanzas on da neir fixadas ainten en protocol. Per donns è'l responsabel igl organisatur. Per far adieuer digl indrez da rinforzamaint ò igl organisatur da definire en responsabel. Chel è responsabel solidaricamaintg ansemen cugl organisatur anvers igl cumegn.

Art. 15 *Pantoflas da gimnastica*

An sala da gimnastica dastga neir fatg gimnastica u giuia angal cun pantoflas da gimnastica tgi fon nign donn e tgi caschungan nignas streflas neiras u da calour.

Art. 16 *Adieuer d'urdegns*

Per allontanar temporarmaintg urdegns, matratschas ed ulteriours utensils per igl scopo da divertiraint u preschentaziuns dovrigl igl consentimaint digl pedel.

Art. 17 *Sarvetsch d'urden*

Igl urdegns da gimnastica duvros on da neir mess an urden alla fegn digls exercezis e deponias sen igls plazz previas persiva.

D. Urden d'adieuer per indrezs exterioris

Art. 18 *Plan d'occupaziun*

Tenor art. 13

Art. 19 *Occurrenzas dad uniuns*

Per realisar en'occurrenza d'en'uniun sen igls indrezs exterioris stò neir dumando ena lubientscha speziala dalla direenziun da cumegn, tgi regla tranter oter er la surdada e recepziun digl indrez.

Art. 20 *Responsabladad*

Igl adieuer digls indrezs exterioris succeda sen agen prievele e responsabladad digls utilisaders resp. da lour represchentants legals. Per donns ènigl responsabels igls utilisaders, resp. per persungas minorenas igls titulars dalla pussanza da genitour.

E. Finanzas

Art. 21 *Taxas/Tariffas*

Chellas sa drezzan agl regulativ da taxas tenor agiunta 2. La suprastanza communal relascha mademamaintg ena glista da prietschs per piglier a tschains apparatusas e vaschela (varda agiunta 3). I stat liber alla suprastanza communal da relascher parzialmaintg u cumplettamaintg las taxas ad uniuns indigenas.

Art. 22 **Excepciuns**

Sen dumonda, an spezial per occurrenzas dad uniuns e gruppas d'adiever public, pò la supranza communal relascher las taxas parzialmaintg u cumplettamaintg.

F. Determinaziuns finalas

Art. 23 **Recurs**

Cunter mintga disposiziun da cumegn, tgi sa basa a chest regulativ, pò neir recurria tar la supranza communal. La supranza communal decida definitiv.

Art. 24 **Vigour**

Chel reglamaint vo an vigour cun la decisiun dalla supranza communal digls 26 da matg 2014 e ramplazza cunvignientschas eventualas d'anfignen ossa.

Supranza communal da Savognin

Patric Vincenz
mastral

Beat Jenal
canzlist